



Broj: 12-02-1-3713-02/12
Datum: 15.05.2012. godine

15-05-2012

BOSNA I HERCEGOVINA	
PARLAMENTARNA SKUPŠTINA	
SARAJEVO	
Podnesak broj:	16.05.2012
Drž. komisija:	
Broj akta:	01-50-1-15-24/12

PARLAMENTARNA SKUPŠTINA BOSNE I HERCEGOVINE
Predstavnički dom
Sarajevo

Predmet: Prijedlog odgovora na poslaničko pitanje, *dostavlja se*;
Veza: Vaš akt broj: 01/a-50-1-15-24/12 od 20.03.2012. godine;

U vezi sa aktom, broj i datum veze, u prilogu vam dostavljamo odgovor na postavljeno pitanje delegata Predstavničkog doma Parlamentarne skupštine Bosne i Hercegovine, g. Nermina Purića.

S poštovanjem,



Dostaviti:
1 x naslovu
1 x a/a

Prilog:
Kao u tekstu (jedna strana)



BOSNA I HERCEGOVINA
PARLAMENTARNA SKUPŠTINA

Broj: _____
Sarajevo, _____ godine

PRIJEDLOG

Nermin Purić, poslanik u Predstavničkom domu Parlamentarne skupštine Bosne i Hercegovine, na 24. sjednici održanoj 15.03.2012. godine, postavio je sljedeće poslaničko pitanje:

1. „Kakav je status graničnog prelaza Maljevac na granici sa Republikom Hrvatskom, te da li će biti promjene statusa ovog graničnog prelaza nakon ulaska Republike Hrvatske u EU?"
2. „Kakav je status malograničnih prelaza na granici sa Republikom Hrvatskom i kako će isti funkcionisati po ulasku Republike Hrvatske u EU?"

Na postavljeno pitanje, Predstavnički dom Parlamentarne skupštine Bosne i Hercegovine je na ___sjednici održanoj _____ godine, utvrdilo sljedeći

ODGOVOR

1. Važećim Ugovorom o graničnim prelazima između Bosne i Hercegovine i Republike Hrvatske, granični prelaz Velika Kladuša – Maljevac ima status graničnog prelaza za međunarodni robni i putnički saobraćaj. Procesom revizije Ugovora o graničnim prelazima između Bosne i Hercegovine i Republike Hrvatske, predviđeno je da granični prelaz Velika Kladuša – Maljevac zadrži navedeni status.
2. Status malograničnih prelaza na granici sa Republikom Hrvatskom je u skladu sa odredbama važećeg Sporazuma o pograničnom saobraćaju između Bosne i Hercegovine i Republike Hrvatske. Što se tiče njihovog funkcionisanja nakon ulaska Republike Hrvatske u EU, u toku su intenzivni pregovori dvije strane vezano za reviziju navedenog Sporazuma, te je predviđeno da isti bude potpisan najkasnije do kraja 2012. godine. Novi Sporazum o pograničnom saobraćaju između Bosne i Hercegovine i Republike Hrvatske će u potpunosti biti usklađen sa standardima EU-a.

BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-955-1/12
Sarajevo, 14. 5. 2012. godine

01/0-50-1

15-05-2012

HERCEGOVINA
VIJEĆE MINISTARA
SARAJEVO
16. 05. 2012
01-50-1-15-24/12

PARLAMENTARNA SKUPŠTINA BiH

- Zastupnički dom -


SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine je na 7. sjednici održanoj 10. 5. 2012. godine utvrdilo Odgovor na zastupničko pitanje koje je postavio Nermin Purić, zastupnik u Zastupničkom domu Parlamentarne skupštine Bosne i Hercegovine.

U prilogu prosljeđujemo Odgovor i radi dostavljanja zastupniku.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-955-1142
Sarajevo, 14. 01. 2012. godine

G-din, Nemin Purić, poslanik u Predstavničkom domu Parlamentarne skupštine Bosne i Hercegovine, na 24. sjednici Predstavničkog doma, održanoj 15. marta 2012. godine, postavio je sljedeće poslaničko pitanje:

„Da li je Vijeće ministara poduzimalo ili planira poduzeti aktivnosti za pristupanju BiH organizaciji „Eurotransplant“, te kada možemo očekivati poduzimanje aktivnosti s tim u vezi? Koje zakonske propise je potrebno usvojiti i da li je nešto već urađeno po tom pitanju?“

Na postavljeno pitanje, Vijeće ministara Bosne i Hercegovine je na 7. sjednici održanoj 10. 5. 2012. godine, utvrdilo sljedeći

ODGOVOR

Zakonom o ministarstvima i drugim organima uprave Bosne i Hercegovine („Službeni glasnik BiH“, br.: 5/03, 42/03, 26/04, 42/04, 45/06 i 88/07, 35/09, 59/09 i 103/09), definisana je koordinirajuća uloga Ministarstva civilnih poslova Bosne i Hercegovine u oblasti zdravstva. Prema odredbama stava (2) člana 15. Zakona o ministarstvima i drugim organima uprave Bosne i Hercegovine, Ministarstvo civilnih poslova je nadležno za obavljanje poslova i izvršavanje zadataka koji su u nadležnosti Bosne i Hercegovine i koji se odnose na utvrđivanje osnovnih principa koordiniranja aktivnosti, usklađivanja planova entitetskih tijela vlasti i definisanje strategije na međunarodnom planu, pored ostalog, i u oblasti zdravstva.

Kao i ostali segmenti zdravstva, oblast transplantacije u Bosni i Hercegovini je regulisana na nivou entiteta: Zakon o transplantaciji ljudskih organa (Službeni glasnik Republike Srpske 14/10) i Zakon o transplantaciji organa i tkiva u svrhu liječenja (Službene novine Federacije BiH 75/09).

Pored toga, doneseni su značajni podzakonski akti koji regulišu pojedine segmente transplantacijske medicine: Pravilnik o medicinskim kriterijima, načinu, postupku i vremenu utvrđivanja moždane smrti osoba čiji se dijelovi tijela mogu presađivati u svrhu liječenja (Službene novine FBiH 61/04), Pravilnik o uslovima i postupku verifikacija za zdravstvenu ustanovu koja obavlja djelatnost transplantacije ili djelatnost uzimanja ljudskih organa (Službeni glasnik RS 33/10) a u pripremi su i neki drugi pravilnici.

U Federaciji BiH je 2003. g uspostavljeno Povjerenstvo za transplantaciju FBiH, razrađena, struktura zdravstvenih ustanova i identificirani centri za transplantaciju (KCU Sarajevo i UKC Tuzla). Također, uspostavljena je stalna stručna edukacija i razmjena znanja sa klinikom AKH iz Beča (UKC Tuzla i KCU Sarajevo) te sa VMA Beograd (KC Banja Luka). U Federaciji BiH je 2003. g uspostavljeno Povjerenstvo za transplantaciju FBiH, razrađena, struktura zdravstvenih ustanova i identificirani centri za transplantaciju (KCU Sarajevo i UKC Tuzla).

U skladu sa navedenim postoje entitetske liste čekanja, a broj pacijenata koji čekaju na transplantaciju bubrega u BiH je veći od 600. Također, potrebno je imati u vidu da se u BiH svake godine linearno povećava broj pacijenata na hemodijalizi: trenutno više od 3000 pacijenata. Brčko distrikt nema zakon koji reguliše transplantacijsku oblast, a pacijenti iz DB nisu na listama čekanja za transplantaciju ni u RS ni u FBiH.

Transplantacija organa u BiH ima dugu istoriju, a u posljednjih dvanaest godina se ponovo aktivno izvodi, bilo sa živih donora ili sa kadavera. Kao nevladina organizacija uspostavljena je „Donorska mreža BiH“ ali ne postoji zakonski osnov za validnosti donorske kartice obzirom da nakon smrti porodica mora dati saglasnost za eventualno uzimanje organa.

Tokom 2010.g. Konferencije ministara za oblast zdravstva u Bosni i Hercegovini je na svom 9. sastanku održanom 06.07.2010.g u Banjaluci razmatrala pitanje pokretanje inicijative za pristupanje Bosne i Hercegovine Eurotransplantu i donijela zaključak da se formira Radna grupa za izradu plana pristupanja BiH Eurotransplantu (ET).

Na osnovu imenovanja zaprimljenih od nadležnih institucija entiteta i Brčko distrikta, Ministarstvo civilnih poslova BiH je uspostavilo Radnu grupu u sastavu:

1. Prof. dr Damir Aganović, KCU Sarajevo, Klinika za urologiju
2. Prim. doc. dr.med. sci. Mithat Tabaković, direktor, UKC Tuzla, Klinika za interne bolesti
3. Doc. dr. Milan Skrobic, Ministarstvo zdravlja i socijalne zaštite RS
4. Dr. Andreja Subotić -Popović, Ministarstvo zdravlja i socijalne zaštite RS
5. Mr.sci.med. Anđa dr Nikolić, Bolnica Brčko distrikta BiH
6. Prim. dr. Fikret Helać, Bolnica Brčko distrikta BiH
7. Dr. Šerifa Godinjak, Ministarstvo civilnih poslova BiH.

Nakon uspostavljanja Radne grupe, u februaru 2011.g. svim članovima je na razmatranje dostavljen početni radni dokument koji u sebi sadrži glavne informacije i predušlove koje ET postavlja pred nove zemlje članice. Obavljene su brojne konsultacije i zaprimljeni pisani doprinosi od nekoliko članova radne grupe, a održan je radni sastanak 30.03.2011.g. Sastanku nisu prisustvovali predstavnici Republike Srpske, niti su dostavili bilo kakve inpute.

Radna grupa je razmatrala niz otvorenih pitanja na koje je neophodno odgovoriti i koraka koje treba napraviti da bi se uopće moglo na kvalitetan način početi govoriti o aktivnostima BiH za pokretanje procedure pristupanja u ET. Prije nego što postane član ET zajednice, zemlja mora ispuniti niz predušvjeta u području doniranja organa i transplantacije uključujući između ostalog i zakonodavni okvir, jasan sistem upravljanja i koordinacije. medicinska znanja, finansijska potpora i dr. Neophodna su jedinstvena zakonska rješenja, između ostalog i za akreditaciju transplantacijskih centara, sigurnost i zaštitu podataka, prikupljanje i distribuciju podataka nakon transplantacija u cilju poboljšanja raspodjele organa, za razmjenu organa sa ET partnerskim zemljama na temelju zajednički dogovorenih ET načela raspodjele i sl. Pored toga, stopa doniranja organa u trenutku punopravnog članstva mora biti iznad 10 na milion stanovnika, a BiH je daleko ispod tog nivoa.

Na osnovu svega navedenog Radna grupa je iznijela stav da se ovoj tematici treba pristupiti na ozbiljan i sistematičan način te je prije svega nophodno:

- zvanična saglasnost i spremnost svih nadležnih institucija u BiH da se uđe u proces pristupanja ET-u, obzirom da članice Eurotransplanta mogu biti samo države;
- uspostaviti zvaničnu komunikaciju BiH na državnom nivou (nivo ministra) sa ET radi definisanja pisma namjere i daljih koraka;
- na način kako je to rađeno u susjednim zemljama (Hrvatska, Srbija, Makedonija, Slovenija, Crna Gora i dr) uspostaviti jedinstvenu strukturu na nivou države za razvoj transplantacijske medicine u BiH, koji će biti nadležan za provođenje aktivnosti vezanih za pristupanje i članstvo u ET, izradu situacione analize u BiH, pripremu strateških i pravnih dokumenta usaglašenih sa EU direktivama u ovoj oblasti, unutrašnju koordinaciju i dr.

Ministarstvo civilnih poslova BiH će u narednom periodu, zajedno sa zdravstvenim vlastima u BiH, intenzivirati aktivnosti na daljnjim razgovorima ka iznalaženju konačnog rješenja.